

OBUFA YE ODU-UWEM USUŃ

Mme Hebrew 10:1-39.

OYQHQ UKPEP ŃKPO 441

Eke Mkparawa

IKQ IBUOT: “Mmọdo ekuyak uko mbufo eduok, koro enye asańade ye akwa utip” (Mme Hebrew 10:35).

Nnyin ima ikpep ke ukpep-ńkpọ emi ekebede ite ke Iyip Jesus, emi ekeduokde ke Calvary ama ada itie mme iyip enań ye eke ebọt emi ekeduokde ke ata ediwak isua emi Nditọ Israel ekedude ke idak Ibet.

Edinyime Ye Ńkop-uyo

Mme uwa oro ikenemke Abasi esit koro mme owo ekesuk ekaka iso ndinam idiok-ńkpọ. Isaiah, anditiń ntiń-nnim ikọ ini kiet ewet ọnọ Nditọ Israel “Jehovah ọdọhọ, ete, Uwak uwa mbufo ọfọn mi nso? Mmọyuhọ edifọp uwa okukim, ye ikpọń edisehe unam, iyip enań, ye eke nditọ erọń, ye eke okpọ ebọt inyuń inemke mi esit” (Isaiah 1:11). Enye aka iso ndidọhọ ete, kpukpru mme usen esop mmọ (mme usen emi Abasi ke idem Esie okonimde) ekedi ńkpọ mbubiam ọnọ Enye ke ntak enyene ndik idiok-ńkpọ emi mme owo ekenamde. Abasi ọtọńọ ntak etiń ọnọ mmọ: “Mbufo ema enyime, enyuń ekop, eyedia ufọn isọń; edi ema esin, enyuń esọń ibuot, ofut eyedia mbufo: Koro edi inua Jehovah ọdọhọ” (Isaiah 1:19, 20). Ńkop uyo enem Abasi esit; ntut utọń ada iyaresit Esie edi.

Jesus ama owut ete ke Imọ idi ata eyen Abasi, koro Enye ama onyime onyuń okop uyo. Enye okoyom ndinem Abasi esit. Edi utọ ima oro okodu ke ufọt Ete ye Eyen esin Jesus oyom ndinam uduak Ete Esie, okposuk edi nte edikpade Enye akwa uwa emi Enye ediduokde Iyip Esie man afak mme idiok owo. Ke editim nkere, Enye ọkọbọ ufen ke mme idiok-ńkpọ ofuri owo ke ini Enye akakabarede edi Eyen Erọń Uwa Abasi. Koro Enye ekekpede ekọm urua, nnyin inyeneke ndibọ ufen edieke nnyin ikabarede esit ke mme idiok-ńkpọ nnyin.

Mme anditiń ntiń-nnim ikọ ema ewet ke ediwak isua emi ekebede, ete ke Jesus eyedi ndinam uduak Abasi; ke akpanikọ David ama ewet ke Psalm 40:7, 8 ukem ukem ikọ emi Jesus eketińde: “Sese mmedi ndinam uduak Fo” (Mme Hebrew 10:9). Ibet Abasi ekedi idaresit Esie. Edieke nnyin imade Abasi ke akpanikọ, nnyin ńko iyedaresit ndinam uduak Esie.

Mme Jew kpukpru ini ekeyom ndimum Jesus ke ndudue, edi mmọ esin ndinyime Jesus nte Eyen Abasi. Ini kiet Jesus etiń ọnọ mmọ: “Mbufo eduńode Ńwed Abasi, koro mbufo esede ete mme imọ imenyene nsinsi uwem ke esit; ndien edi enye edi ntiense ọnọ Mi” (John 5:39). Mme Jew ema ekot Ikọ Abasi, enyuń ekere ete ke mme imọ imenyene nsinsi uwem edi Jesus ọdọhọ mmọ etọńọ ntak eduńode. Kpa ke mme ukem itie Ńwed Abasi oro, etiń ebańa Jesus. Mmọ edọhọ ete ke imonim Moses ke akpanikọ, edi Jesus ọdọhọ ete “Koro edieke mbufo ekpenimde Moses ke akpanikọ, mbufo ekpenim Mi ke akpanikọ; koro enye ekewetde abańa Mi” (John 5:46). Ke ini oro Enye ọdọhọ ete, “Koro mbineke uduak Idem Mi, edi mbine uduak Andidọń Mi” (John 5:30). Ke ini eńwen Enye ọdọhọ ete, “Koro Ami nnamde se inemde Enye esit kpukpru ini” (John 8:29).

Edieke nnyin iyomde ndibiet Jesus iyeńwana ndinem Abasi esit. Jesus ọdọhọ ete, “Koro owo ekededi eke anamde se Ete Mi emi odude ke Heaven amade, enye edi eyen-eka Mi eren ye eyen-eka Mi ańwan, ye eka Mi” (Matthew 12:50).

Jesus ama asańa ebe ke akakan idomo ke Ińwan Gethsemane, do, Enye ofiori ete “O Ete Mi, edieke cup emi mikemeke ndibe ńkpọń Mi ke mmeńwọńke enye, yak edi nte Afo onyimede” (Mathew 26:42). Ekedi uduak Abasi Enye ndikpa nnọ mme idiok owo, ke ntre Jesus ama akpa, ndien ke edikpa, Enye anam Uduak Ete Esie, mme ediomu ọsọń ada.

Obufa Uduak

Idaha emi nnyin imenyene Obufa Ediomu, me obufa uduak. “Enye emen akpa ńkpọ efep, man Enye ọtọ udiana ńkpọ” (Mme Hebrew 10:9). Oto ke Obufa uduak emi, Jesus anamde ọsọń ada oto ke mkpa Esie ini kiet kpọt, emi minyańake ikpọń-ikpọń edi eyetde esit nnyin asana ńko. Mme oku ke

Akani Ediomini ekenyene ndifop uwa kpukpru usen, edi Jesus awa idem esie ini kiet ndien ediduok iyip efen iduhe aba.

Ke ini Jesus ama okokure utom ufak, Enye eset ke mkpa, ndien Enye asaña mi ke ison usen 40 onyũ onyõn ke Heaven, osuhõre etetie ke ubok nasia Abasi. Enye ke ebet tutu ini Akwa Ukut emi Enye editõnõde ntak idi ndikpe ikpe nnõ ererimbot ye mme mmõ emi mikatuake ibuo inõ Enye. Eketiõ emi enim toto ke ini Akani Ediomini.

Ubiere-ikpe Abasi

Nwõrõ nda ñkpõ kiet emi etiõde ebaña ubiere-ikpe Abasi odu ke Psalm 2. Andiwet Psalm õdõhõ ete, Ndidem ererimbot edaha eda, eduk odu ebaña Jehovah ye Jesus Enye eyetde aran onim. “Enye etie ke enyõn asak: Ọbõn ababiaña mmõ” (Psalm 2:4). Emekere nte edidiokde ye mme mmõ emi esinde mbõm Abasi, ke ini Enye edidahade ida ndinyeñe ererimbot? Ekpri unyek ison ikutde ke edere usop utin idut nnyin ada ndik õnõ mme owo. Ñkpõ editie ke ini editaõde mme obot ifep ke mme itie mmõ ndien nte ntantafion editõnõde ndiduõnõ? Ke ini Abasi ñko asakde mmõ ke ndik mmõ.

Abasi Ete õnwõnõ õnõ Jesus ete ke ini eyedi eke Jesus edisobode mme anam idiok-ñkpõ: “Afo eyenuak mmõ ke esañ ukwak; onyũ obom mmõ nte ñkpõ eke obot-eso anamde” (Psalm 2:9). Ofuri ererimbot eyedu ke idak ukara Jesus, ndien kpukpru owo emi edidude uwem eyekop uyo Esie, ke emade ye mimaha. Kpukpru mme idut eyedu ke idak “udori-ukot Esie,” Enye eyedighi mmõ edieke Enye amade ndinam ntre.

Ibet Ke Esit

Abasi ama õnwõnõ ete “amakem,” ke ema ekemia mme Jew ufen ndien ndusuk mmõ ema efiak etiene Jesus enyũ enyaña mmõ, Enye eyewet mbet Esie ke esit mmõ. Oro õwõrõ ete ke mme owo eyemana obufa nte nnyin idaha emi ke ini iyakde esit nnyin inõ Abasi. Ke adaña emi ibõnde akam inyũ ifiokde ite ke efen ke mme idiok-ñkpõ nnyin, Jesus ewet enyĩn nnyin ke Heaven onyũ esin mbet Esie ñko ke esit nnyin. Eyet mme idiok-ñkpõ nnyin efep, inyũ ibatke aba inõ nnyin, Abasi itighi mme idiok-ñkpõ emi nnyin ikabarede ikpõn. Edieke nnyin ifiakde edem inyũ inam idiok-ñkpõ, mme idiok ñkpõ oro eyeda nnyin esin ke hell, edi mme idiok-ñkpõ emi ema ekefen ebe efep, ebuk ke udem inyañ. Edi Abasi oyom nnyin inehere inyũ iyarade mme ñkani ndudue nte inõ, nsu ye mme ibaña edem.

Mme Uwut Ñkpõ

Ke ukpep-ñkpõ nnyin emi abañade nsio nsio ikpehe ke Ataya, nnyin ima ikpep ite ke efe-esop akada õnõ utebe-ikpe me erinyaña ukpõn. Edisana Ebiet okowut enõ edinam asana. Do ke edisana incense akasak kpukpru ini ke alter o gold nte akam ye itoro nnyin õdõkde kpukpru usen oto esit nnyin ke ini ema ekenam nnyin isana. Ikpehe ama odu emi akabaharede kpukpru owo ke mibõhõke Akwa Oku ikpõn ke Edisana Ndisana Ebiet, õyõhõ ikpehe ita emi Ekebe Ediomini okodude ke idak mme Cherubim o gold. Ke ini Jesus akakpade, ikpehe oro ama asiaha tõnõde ke enyõn tutu osim ison ebere de usuõn õnõ kpukpru owo ndibe nduk. Oro ñko owut uduok-mmõn Edisana Spirit emi mme owo edinyenede. Akananam owo baba kiet ikenyeneke mfõn emi mbem iso mkpa ye ediset Jesus. Enye ama etiõ mbem iso õdõk ke enyõn ete, eyefõn Imõ ndiyõn man Iberedem (Edisana Spirit) ekeme ndidi. Eñwõnõ Esie ekedi ke Imõ iyenõ nnyin uduok-mmõn Edisana Spirit emi edinõde nnyin odudu ndinam utom Abasi.

Uko Emi Otode Ke Iyip

Ke ini akwa oku okodukde Edisana Ndisana Ebiet ke usen usio isop, enye esikama iyip uwa idiok-ido. Jesus ke ini Enye akakpade ke edem obio Jerusalem emi akada õnõ uyõhõ mbiet uwa idiok-ido; ndien ye Iyip Esie emi odude ke esit nnyin ke ini ema ekenam asana, nnyin “inyenede uko ndibe nduk ke Edisana Ebiet:” ke ikõ efen; ke ema ekenam nnyin isana, imenyene uko ndibeñe Abasi õnõ nnyin uduok-mmõn Edisana Spirit. Emi edi se mme anditiõ ntiõ-nnim ikõ ke akani Ediomini eketiõde ebaña, mme angel enyũ eyom ñko ndikut. Enye edi “obufa ye odu-uwem usuõn” emi Jesus asiakde õnõ nnyin oto ke mkpa Esie ke krõs editõnõ ntak nset ye edinõ Iberedem esõk nnyin.

Ndika Ufõk Abasi

Kere nte uduak Abasi ke abañã erinyaña ukpõn okponde. Abasi ama anam kpukpru se Enye ekekemedede ndinam; ke emi, edi utom nnyin ndidok nkosim idaha emi Enye onimde. Nnyin inyene ndisoñõ mum se ededi eke Abasi onõde nnyin ñkama, koro imekeme ndiduok erinyaña nnyin oto ke unana ntiñ-enyin. Paul oduri nnyin utõn ete yak nnyin ikunam ifu ndiduk ke ufok Abasi. Nnyin imekeme ndisoñõ kiet eken idem ke mbuotidem nte nnyin isobode ke ufok Abasi otõ kiet ndikpono Abasi, ndien ukworo-ikõ ototim anm uduak Abasi añwaña nnyin akan. Ofon nnyin ndibõn akam ke mme ini ukpono Abasi nnyin ke ufok, edi otim ofon eti-eti ndidu otõ kiet ke Ufok Abasi nnyuñ mbõn akam.

Ikañ-ikañ Iyaresit

Edieke owo afiakde edem okpõn se enye ama ekenyene, Iyip Jesus ifukke enye aba ndien Abasi onõ ntõt ete ke Imõ iyedõn “Ikpe eke enyenede ndik ye ikañ-ikañ iyaresit.” Nnyin imetim ikpep ibaña idaha udeme nnyin ke uduak erinyaña ukpõn ikan mme mmõ oro ekedude ke idak Ibet Moses; ndien ke ini oro ema ekeme ndibiom mme owo ikpe edieke ntiense iba eworo nditiñ mbaña nsõn ibuot mmõ. Ndien ufen mmõ ekeme ndidi mkpa. Edieke Abasi eketiñde enyin onyuñ ekpemedede ke idak Akani Ibet, nso ufen ke owo edibõ edieke enye anamde idiok, ke Jesus, oto ke ediduok Iyip Esie, ama ekeyet midiok-ñkpõ esie ini kiet ko! “Edi ata ñkpõ ndik ndiduõ nsine ke ubok Abasi emi odude uwem” (Mme Hebrew 10:31). Abasi edi Abasi ima, ndien Enye onwõnõ ete “ama edi mmõ eke eneñerede esaña, enye isinke mmõ nti ñkpõ” (Psalm 84:11). Enye edi Abasi ikpe, eyenyuñ odõn ubierikpe onõ anam idiok.

Inyene Ke Heaven

Abasi ke okokut nte ikõt Esie eyõde ukõbõ eke osimde mmõ. Paul ama etiñ onõ mme anditiene-Christ ke Hebrew ete ke mmõ ema ebõ ke inemesit mme ñkpõ emi akatakde mmõ. Mmõ ikesemeke ikaha edieke inyene ererimbot akatakde mmõ, koro ke Heaven nti mme anditiene-Christ enyene nsinsi inyene, oro edi, mme ñkpõ uto eke baba ñkpõ kiet mikemeke ndibiat.

Nnyin iyebõ utip uko ye mbuotidem nnyin ke Abasi. Kpukpru nditõ Abasi eyenyene idomo ke ererimbot emi, edi edieke nnyin ikande mme idomo oro, iyebõ Anyanya Edinen-ido. Paul ekpe ye mme anditiene-Christ ndinyene ime, nnyuñ nsõnõ mum mbuotidem mmõ ñkama, ekuyak Satan anam mmõ ekop mem-idem ke usuñ isañ mmõ.

Ndien enye otõnõ ntak aka ke akpa ukot isañ anditiene-Christ “Edinen owo mi edidu uwem ke mbuotidem,” idighe ke nditotuk. Nnyin imekeme ndikop memidem ye afanikõn, edi edieke isõnõde imum mbuotidem nnyin ikama, Jesus eyenõ nnyin erikan, onyuñ otõnõ ntak onõ nnyin idaresit. Eyak itiñ ye Paul ite ke nnyin idifiakke edem. Nnyin idi mme mmõ oro iyomde nditim mfiok nte ke eyenyaña ukpõn nnyin, ndien iyekeme ndidu ke Heaven ke nsinsi ye Jesus.

MME MBUME

- 1 Nso idi ntak emi Abasi mikenemke esit ke uwa Nditõ Israel ke eyo Isaiah?
- 2 Anie “edidia ufõn isõn”?
- 3 Nso ke Jesus eketiñ nte ntak emi Enye ekedide ke isõn?
- 4 Mme anie ke Enye okõdõhõ ete edi eka Esie, nditõ eka iren, ye nditõ eka Esie iban?
- 5 Ini ewe ke Jesus oyom ndinõ anam-idiok ubiere-Ikpe?
- 6 Anie edikara ererimbot ke ini Ukara Tõsin Isua?
- 7 Didie ke nnyin ikeme ndinyene uko ndiyom uduok-mmõn Edisana Spirit?
- 8 Nso ke Paul eketiñ ke ibuot ñwed emi ke abañã ndika ufok Abasi?
- 9 Didie ke edinen owo edidu uwem?